

Headline	TNB tidak boleh terlalu selesa untuk ke final - Saiful		
MediaTitle	Utusan Malaysia		
Date	07 Mar 2024	Language	Malay
Circulation	107,609	Readership	322,827
Section	Sukan	Page No	46,48
ArticleSize	857 cm <sup>2</sup>	Journalist	KHAIRULIDHAM
PR Value	RM 105,537		

# TNB tidak boleh terlalu selesa untuk ke final - Saiful

Oleh KHAIRUL IDHAM  
**MOHAMED ZARAAI**  
idham.zaraai@mediamulia.com.my

**PETALING JAYA:** Pengendali Tenaga Nasional Berhad (TNB), Nor Saiful Zaini tidak mahu anak-anak buahnya terlalu selesa biarpun sudah sebelah kaki melangkah ke final Piala TNB.

Nor Saiful berkata, kemenangan 3-1 ke atas UITM HA-KPT dalam aksi separuh akhir pertama kelmarin, belum menjamin tempat mereka untuk beraksi di pentas final kejohanan itu.

Sehubungan itu, dalam aksi kedua hari ini, Nor Saiful mahu anak-anak buahnya meledak lebih banyak gol bagi menjamin tempat mereka di pentas final.

“Dalam aksi separuh akhir pertama, kita bermain dengan bagus, tetapi tidak dapat menghasilkan gol yang banyak. Itu yang saya nampak pada permainan kelmarin.

“Saya risau pada perlawanan kedua esok (hari ini) kerana gol yang kita hasilkan ini belum cukup selamat untuk membawa pasukan ke final, UITM mampu membala semula,” katanya.

Menurut Nor Saiful, persediaan rapi perlu dilakukan dengan pelbagai perspektif lain



**PEMAIN TNB,** Syed Syafiq Syed Cholan diasak oleh pemain UITM HA-KPT dalam aksi separuh akhir pertama Piala TNB, kelmarin.



harus diambil kira bagi mempamerkan persembahan yang baik hari ini.

“Apa yang saya boleh katakan kita perlu memberi fokus yang lebih dan bersedia mempersembahkan aksi yang baik pada perlawanan kedua esok

(hari ini),” katanya.

Pada aksi separuh akhir pertama, TNB cemerlang dalam misi memburu gelaran ‘treble’ menewaskan UITM 3-1 menerusi dua gol daripada Mohd Azrai Azad Abu Kamal dan pemain import dari Korea Selatan, Jang

Jong Hyun.

Sementara dalam satu lagi aksi separuh akhir pertama, Terengganu Hockey Team (THT) turut semakin hampir mengulangi kejayaan ke final seperti tahun lalu apabila menewaskan Maybank 3-0.

Headline	TNB tidak boleh terlalu selesa untuk ke final - Saiful		
MediaTitle	Utusan Malaysia		
Date	07 Mar 2024	Language	Malay
Circulation	107,609	Readership	322,827
Section	Sukan	Page No	46,48
ArticleSize	857 cm <sup>2</sup>	Journalist	KHAIRULIDHAM
PR Value	RM 105,537		



**Peluang ke aksi akhir**

PEMAIN Tenaga Nasional Berhad (TNB), Muhammad Azrai Aizad Abu Kamal (kanan) mengawal bola biarpun diasak penjaga gol UITM HA-KPT dalam aksi separuh akhir pertama Piala TNB di Stadium Hoki Nasional Bukit Jalil, kelmarin. Hari ini, kedua-dua pasukan bertembung sekali lagi dalam aksi separuh akhir kedua. - IHSAN MHC (Berita di muka 46)